

DEO OPTIMO MAX.
UNI ET TRINO,

VIRGINI DEI-PARÆ, ET S. LUCÆ
Orthodoxorum Medicorum Patrono.

QUÆSTIO MEDICA.

CARDINALITIIS DISPUTATIONIBUS,
*manè discutienda, in Scholis Medicorum, die Martis decimâ mensis
Martii, anno Domini M. DCC. LXVII.*

P R Æ S I D E,

M. Joanne-Francisco-Clemente M O R A N D,

Equite, Anatomes & artis obstetriciæ olim Professore, Castrorum & exercituum Regis nuper Medico, nunc in Regiâ Invalidorum domo, Coadjutore Medici renuntiato, è Regiâ Scientiarum Academiâ Parisiensi, necnon Academiarum Stockolmiæ, Matriti, Florentiæ, Rhodomagi, Lugduni Socio, Regii Medicorum Nanceianorum Collegii Socio honorario, illius idem, quod est Leodi, Assessore honorario, Doctore Medico.

*An paulo post partum celebrata saphenæ sectio, puerperæ non lactantis certa
& intra ποσὺν γένῃς?*

I.



NON tam procreandis, quàm alendis liberis natam mulierem indicant succo lacteo, mox à partu distentæ & turgescences mammae, cæteris temporibus ἀρῶν. Quis sit, ut præclaræ istius, à naturâ tacitè infusæ maternæ in liberis caritatis oblita gens foeminea, sibi prorsus inutilem, pusionis temperiei cognatam & penè germanam, quin & illius eigâ, venis in maternis, singulari apparatu, à naturâ elaboratam recuset infanti alimoniam! Quem *servida adhuc, diserviciataque, & doloribus fracta non resuzere* (1), *sed tollere* (2), in sinu excipere, fovere, quem propter acerbæ & tædiosæ gestationis recentissimam memoriam, rerum dulcissimum in hoc saltem temporis puncto habere deberet, quem demùm publicâ contestatione, natum sibi hæredem proficitur, vix è gremio educatus infans

(1) Plutarch. Comment. de nativâ in progeniem charitate de homeride parturiente.

(2) Humi statuebatur ab obstetrice infans recens natus, & parentes, si alere vellent hunc de terrâ tollebant, undè nata formula *puerum tollere*, idest domi educare, suum agnoscere alere in spem familiæ: hoc sensu Juvenal. Sat. V. v. 38 *tollere dulcem cogitat hæredem*. Cujus contrarium erat *puerum exponere*, quando absque misericordiâ projectus est: Vid. Caspari Bartholin. Thom. Es. expositio veteris in puerperio ritus, ex arcâ sepulchrali antiquâ descripti, Romæ 1677.

genitricis parentisque senectutis spes & solatium, cum novercale fastidium à matre sic experitur, ut alienis conductitiisque tradendum mamentis, citò & procul, tanquam incertis parentibus ortum relegandum præsertim & primariò comparatum fuerit.

Quod ergò, cum semine traducti (ut aiunt) parentum mores, adeò sæpè deformati, quod pravâ indole, quod crasso ingenio & perditis motibus, multi occurrant infantes, quod gibbi etiam, quod claudi, quod distorti ad vos reducantur, quod simili prole sæpius vobis non laus sit, jam non obstupescite, ô mulieres.

In teterrimam hanc quæ apud nostras matres incessit consuetudinem, remissis nullo tempore habenis, acriter jamdiu inveci sunt salutis publicæ custodes medici (1). Sed frustra, nec illas tangunt infortunia ex altricibus junioribus, iracundis, morosis, vinolentis, libidinosis; nec morborum contrahendorum alex, nec contractorum exempla; pectoris nitorem, formam præstantem & elegantem impiè retinere tentant mulieres; spretis naturæ legibus & votis, fœcundos lactis rivos arefaciunt; vitæ infantis, ipsarum met salutis thesauros extinguunt, infinita propè advocant pericula, imperterritæ.

Jamjam ab ipsis rationum momentis, quæ naturæ leges suppeditant, nihil auxilii sperandum. Ergò adsit in subsidium *ὑπερὸν*, quæ non tantum circà sex res non naturales versatur, quæ non solum in his intemperantes aut delinquentes disciplinâ conservat, sed quæ etiam rerum quibus corporis integritas servari potest, scientiam universam complectitur undè *ars sanitatis tuendæ*, apprimè audit illa medicinalis methodi pars prior.

Priscorum more temporum, quibus salutariferum Epidaurici templi antheridibus insigebatur remedium, nostris laquearibus, quasi in tabellâ votivâ appendatur formula, cujus præsidio, matres, maritis, liberis reipublicæ asserventur. Porro sic habeto methodum cujus patrocinio innumera quæ graviditatis defatigationes, partûs labores, in non lactantibus mulieribus sequi solent incommoda, tutò ceròque præcaventur.

I I.

PRÆGNATIONIS veræ exitus, partus. In eo, tantum interse differunt, quantum à se invicem discrepant opposita duo: per consensum duntaxat existunt, istis in dissimilibus temporibus, prægnanti videlicet & puerperæ subsequencia phænomena: in graviditate ex eo quod repletur, passivèque extenditur; in puerperio, quia depletur & contrahitur uterus. Ista probè evincit Physiologia.

(1) Vid. Thes. in Saluberrimâ Facult. Parisiensi, propugnatas, die Jovis 1. mensis Mart. an. 1657. Præf. M. CAROLO BOUVARD. Proponent. ANTONIO MORAND, Parisino, die Jovis 11. mens. Mart. 1662. Præf. M. JOAN. GARBE. Propon. JACOB. BOUJONNIER, Parisin, die Jovis 10. Febr. 1687. Præf. M. ROLAND MERLET. Propon. FRANCISCO VERNAGE Parisin, die Jovis 29. Mart. 1703. Præf. M. BERTINO DIEUXIVOYE, Propon. STEPH. FRANCISC. GEOFFROY, Parisin, die Mart. 11 April. 1741. Præf. M. HYACINTH. THEOD. BARON, Propon. THEOD. BARON.

Naturalia proindè habenda sunt, quæcumque partui succedunt, mulieremque ex fatigatione convalescentem spectandam esse, adeo evidens est, ut à naturali, vix deflectere statim puerperæ affirmandum sit.

Eductis ex utero, foetu secundinisque cumulatè prorumpunt lochia, quæ à librâ dimidiâ ad unam vel duas fluentia maximum vitæ periculum nuntiant, si summam hanc exsuperant, vel si absque imminutione fluant, quæ in lactantibus, aut in mulieribus uberrimam evacuationem ante hac expertis, citiùs cessant.

Hanc *ῥοιζήθησιν* pro veris catameniis, sive sanguinis menstrui graviditatis tempore retenti non immeritò habeas reliquiis, à quibus solâ ratione differunt, quod hæc ante partum, illa post partum sic appellantur. Horum fons & origo uterus, jugi sanguinis per novi mestr̃is gestationis tempus affluxu sic gravatus, ut sensim dilatatis & in sinus amplissimos quasi conversis canalibus per uteri substantiam numerosè diffusis, vasculosa ferè appareat ejus textura: horum causa vis uteri contractilis, quæ ab virium languore, à fatigatione ob successiva & larga ante partum sanguinis profluvia, à subitâ contentorum emissionem, à placenta reliquiis, hæmorrhagias creat immodicas, quæ verò, istis deficientibus, ab immediatâ maximorum vasorum evacuatione augetur, functæ tamen, quæ, (nisi majora simul deplerentur vasa) contractionem hanc probabiliter insequeretur, inflammationis periculo vacat.

Primum hoc partûs purgamentum excipiunt dolores in utero torminales, *dolores post partum* vulgò nuncupati, quos producant vel quædam in vasis obstructio, aut in orificio interno eretismus, vel uteri contractio, nec non fibrosa in eo, seu in vaginâ subsidens sanguinis pars, cujus *thrombos* ibi retinet repentina orificii interni aut externi contractio, vel denique recenter collecti grumi. Vividiores igitur, diuturniores aderunt, pro sanguinis grumescentis copiâ; hisque super accedit *Teinesmus*, quoties perfectè non defæcatum fuit uteri corpus, sive quoties nonnulla in eo existit ingurgitatio. Ast in communi rerum ordine, id est post facilem, paucisque horis absolutum partum, qui artis opem vix requirit, in quo sanus vegetusque editus fuit infans, in quo morbo jam non laborat puerpera, cuncta citò pacantur.

Is est ad mulierem è morbo restaurandam naturæ processus; verùm matri refocillandæ allaborans, in infantis rebus non indormit benigna hæc hominum parens; illius salutis provida, alia adhuc molitur in infimo ventre, sive in eodem menstrualī sanguine (ex summi Dictatoris & Galeni sententiâ, materia lactis,) sive superiùs, in ejusdem lactis officinâ mammis, ex quibus aliundè lactatione exonerantur humores superflui.

II I.

DUM absoluto partu, sanguis uterum expandens uterinâ constrictione sursùm evehitur, mammæ in quibus effertur, extendit; copiosiorrem seri lactei quod primum lactis rudimentum & *colostrum* audiunt, moxque ipsius lactis secretionem ita advocat, ut circâ tertium seu quar-

tum diem quo maximâ jam ex parte depressus est uterus, in mammas quas ad tensitatem implet aggravatque, ubertim & quodam veluti cum impetu prorumpit lac utero penitus relicto.

Hæc in sanguineum torrentem exundatio, diariam, biariam, aut plurimum dierum, leviusculâ dyspnoeâ, motu lacertorum difficili, mammarum repletionem stipatam, quarto circiter die concitat febriculam, quam, ex eo quod, cum lactis in mammis proventu plerumque suboriatur, *lacteam* dicunt; quam dispellit evacuatio critica vel per alvum, vel per urinas, vel per sudores, quæ spontè evanescit in benè constitutis, in lactantibus mulieribus, in puerperis lac facile exhibentibus, aut parco victu utentibus; rarò demùm periculosa, dum modò, (quæ tunc minorî quantitate fluunt) lochia ritè percolentur, revera quidem in plethoricis præsertim mulieribus, in non lactantibus, si neglecto regimine, si aëre frigido præpediantur critica evacuationes, febris quæ, Synochus simplex, & mitissima, transit in continuam acutam, malignam plerumquè, cæteris omnibus potissimum febribus diversimodè periculosiorem, pro phlogodes diatheseos gradu, pro partibus inflammatis aut infarctis, pro excretionibus obturbatis, pro redundanti, stagnante, vel refluxo lacte. Ex his intereâ sinistra semper instituenda est à Medico *αποφύλαξις* notando nihilominus, ista ab observatore diligenti peropportune præsentiri posse. Namque primâ post partum elapsâ horâ, vel levissima in pulsu percepta elevatio, morbum partûs doloribus insititum portendit. Cum igitur has ab exordio vaticinati, datur, quin has & in primordiis præfocari tragædias detur, nihil obitat. Ad illas nimirum eludendas, mirum in modum conferet, attentissime à Medico circumspèctata, hæc quæ in utero cum mammis adeo intercedit *ἀδελφεία* ut sese mutuo afficiant. Hinc est quod pubertatis tempore in venerem prurientibus puellis, attollantur, decoraque integræ vel delibatæ virginitatis indicia, abortumque pronuntiant extenuatæ mammar; hinc est quod ab utero ad mammas, in recens nati alimoniam lactis specie dealbatus sanguis menstruus, spontaneo motu illabatur, nec ad uterum, nutritionis tempore nisi motu præter naturali refluat: lacte si turgeant mammar, eo & uterum manare plerumque videas, nec non hic vicissim nimîâ sanguinis copiâ gravis, partem illicò refundit in mammas.

Hæc in duplici *Diachorisi* hæc in singulari concordia, quâ non solum in ejusdem operis consortium puerperii tempore adniti, sed unâ simul compati solent uterus & mammar, recluduntur causæ, quibus recentè enixæ mulieris integritas, sanitasve servari aut destrui possunt. Harum vires & effectus ex animo tenere debet medendi peritus. Cumque ex physiologis constat, ad prosperæ valetudinis incolunitatem, plurimum conferre motum & excretionem liquorum, illisque vel justo tempore, vel quantitate debitâ non excretis, seu retentis, sanitatem affici, perspicuum est pariter, sanum puerperæ statum haud minus in secretionibus

& excretionibus ritè peractis consistere, illiusque licet naturalem statum, ab excreto & retento lacte in morbosam facile immutari posse *diathesim*, si quâ datâ portâ foras rite non amandatur lac, aut si sufficiens (quæ lacteam discutit febrem, quatenus mammas ex redundanti lacte expedit,) lochiorum absit evacuatio.

I V.

DOLORES post partum, à magis minus ve infarctis uteri partibus sic pendere vidimus, ut quoties cumque in iis adest ingurgitatus, constanter illi existant: hanc abesse per rarum est. Undè in temperamenti, tenuiore constitutione, habitu corporis laxato, raro, spongioso, numerosioribusque, sed gracilibus vasis, ut omnes præ se ferunt mulieres, præditis, motus sanguinis progressivus & circularis impeditur, vasa distenduntur, eorum diameter ampliatur, suboriturque obstructio, ex omnibus quæ in cunctis sive secretoriis sive excretoriis canaliculis ingurgitationem procreare valent, promanans.

Non solum autem, uterinis, sed vicinarum partium vasis, quæ dolentia, tumentia obstructa sunt, inest plethora; liquore matri prorsus inutili, mox luxurians sanguis, eò graviore tunc inducit epiploaseos effectus, quod graviditatis tædiis, partusque-angoribus, magis minus ve defatigatum, in istius lacteæ conversionis instanti invadit corpus spuria hæc plethora, quod alioquin ea sit lactei humoris natura & indoles, ut non solum propter moleculas, sanguineis globulis majores, sanguineæ massæ prorsus heterogeneus sit, quod insuper in vasis commorari, inde in capillaribus hærare, in glandulis cumulari idoneus sit, quod denique facile spissescat, acefcat, in grumos abeat.

Hæc autem præcavere magis quam expugnare aut sanare facilius dicendum. Antequam has ad angustias res pervenerit, maturato opus est. Per loca convenientia humores ducendos, seu ut vulgo inclinant evacuos esse indicat natura, cujus minister se proficitur Medicus: copiosam lochiorum expurgationem aggredere, sic præceditur morbi causæ, nisi enim, ait medicorum princeps, *partus purgamenti mulier repurgetur, magno morbo tentabitur, viteque periculum incurrit, nisi quis celeri adhibita curatione convenientem promoveat purgationem* (1). Hunc in finem adhibentur ut plurimum enemata, &c. & alia quibus efficaciter in vulgatissimis casibus provocatur lochiorum fluxus.

In his exequendis palmam præripit, è malleolo venæ sectio, quam, utero inflammato, lochiiisque suppressis, non respuit clarissimus olim obstetricus Franc. Mauriceau (2). Saphenam (quod majus est) in hisce cir-

(1) De nat. pueri, l. 2, sect. 41.

(2) De mulierum prægnantium, parturientium & puerperarum morbis.

Vide etiam Laurenti Heisteri Compend, Medicinæ practicæ de febribus acutis puerperarum.

cumstantiis feliciter secari posse opinatur, imminutâ prius, ope venæ sectionis in brachio, liquidorum mole, cum imprimis sanguinea existit plethora: affluxum in utero ex illâ sectione tunc non pertimescit: uteri ductus liberius permeant humores prægressi in brachio sanguinis missione, fluidiores & serosi magis redditi, quibus & in uteri interiora exportandi sunt, stomata vasorum, superatis obicibus, attingunt.

Hocce mechanismo suppressa restituuntur lochia, uterique, aut aliorum abdominis viscerum, ex illâ lochiorum *émigras* orta inflammatio tutâ & celeri resolutione definitur. Sic styrgi famulam idumæam tremoribus in universo corpore afflictam, propter refluâ partûs purgamenta, secatâ ad malleolum venâ sanavit divinus senex; at prophylacticâ indicationi, præstantius ni fallor satisfacit, *antispastica* phlebotomia, mox à partu celebrata quæ vasorum tollit obices, & lochiorum colluviem, fomitem morborum citò præcipit, quæ vel lochiorum in utero vel lactis in mammis imminentem prævertit obstructionem (1): illius eò certior evacuationis eventus, quod in mulieribus, multò capacior quàm in viris aortæ descendens truncus, quod abundantissimi post partum in utero despluant sanguinis scaturigines, undè multo abundantior revulsio.

Ex præmissis facile credere est, non in ipso partûs absoluti articulo, quo doloribus & agitatione præter modum & præter tempus commoti sunt humores, huic accingendum esse. Integrè pacatis omnibus, intrâ primum *nichtemerom* perficienda proponitur sectio, quæ in omnibus ferè casibus, in plethoricis, robustis mulieribus præsentaneum importat subsidium, cum generalis inducta non fuerit obstructio: omnibus à lacte periculis tutò & citò averfis, jam mammas non deturpabunt tumores, abcessus, ulcera, cancer: arcantur jam, ex infaustâ metastasi, dolores in artubus, abcessus in visceribus; in utero aut circum vicinia inflammationes; morbosæ in cute eruptiones miliaris.

Nonnullas tamen, hîc cautelas apponere poterit, ad partûs, & puerperæ circumstantias attendens dogmaticus, prudensque medicus. Advertet imprimis, an ante partum, an in ipso puerperio, an post partum hemorrhagiâ uterinâ laboraverit mulier, an diutius, difficilîus & laboriosè pepererit, undè defatigata nimis aut attrita; an infirmâ valetudine, an morbo prius extenuata & exinanita sit.

(1) Vide quod illâ Saphena sectione sed leviter & non satis expresse scripsit à Scientiarum Societate ad Harlemum Florenti, Laureatus autor Opusculi cui titulus est. *Dissertation sur ce qu'il convient de faire pour augmenter, diminuer ou supprimer le lait des femmes, quels accidens il occasionne le plus souvent, & comment on peut les prévenir.* 1763. p. 51 & 88.

EX te, naturalis est mulieris recenter enixæ status; ergò medicinâ non eget. Quamvis prægnantem & puerperam mulierem undequaque circumfrent pericula, quæ graviditatis partûsve quasi appendices sunt, sicque proximè morbosus sit alter utrius status, sanum nihilominus & naturalem dici posse contendimus, dum in prægnante, utilis quæ ad fœtus nutrimentum & augmentum illam invadit plethora in ipsius damnum faciliè vertitur, ad utriusque etiam integritatem, si moderata, ad utriusque exitium, si immodica, tendit. Plurimum etenim morborum causa est remota, legitima licet supponatur, (sanguinis videlicet laudabilis redundantia) tanto magis si spuria jam existat, aut lapsu temporis fiat, in quâ sanguis luxuriat excrementitius. Hinc enim malignam in dies tacitè inducens indolem humorum *Dyscrasia*, mille ægrotationum miserandum omen. Quod si non avertat Medici scientia, tristem & asperam sortem non solum à primo prægnationis flamine sed ad partum usque & in puerperii decursu, miseræ mulieri intentat malorum ilias ambagiosa; ac veluti sanguinis missione & epicrasi tempestivè & suspensâ manu celebratis, tutò & jucundè infringitur in gravidis plethoræ malignitas, sic & etiam in puerperâ, & eâ præsertim quæ maternas adimplere vices designatur, summâ curâ reprimenda est subitanea, quæ plura huic & graviora minatur, plethora, ubi primum, mox à partu, sanguis ab utero ad mammas, in gratiam recens nati, uterinâ contractione profilit, vel ubi primum partim ex mammis, ex utero plerumquè manans percipitur lacteus humor in sanguinis alveo præceps decurrens. Tutissimum citissimumque profectò isti plethoræ frænum injiciet à nobis indicata sanguinis missio, quâ nihil ad lochiorum congruentem & ejusdem tenoris fluxum accersendum, aptius, aut ad febrem, (dum tensioni obsistit,) prævertendam, quæ cæteroquin majorem humorum copiam in vasis uterinis non advocat, sed majorem in iis liquidi copiar accersit præsentiam, absque ullâ derivatione.

Instant adhuc. Quid hic systematis, quid hic speculationis figmentum proferre amas? Inauditam praxim, invisam opinionem vetat res multi consilii & maximæ prudentiæ. Speculatricem reverâ theoriam hætenus prolatam fatemur. Sed virtutem huic adjicit theoria vera & solida, rerum domina observatio, sine quâ in præceptorum, in regularum applicatione abortivus & mancus ad ægrotantium cubile accedit medicus, certamque exercet inaniter artem.

Apud Turones, saphenæ sectioni se subjiciunt, hanc ultrò proſtulant mulieres ferè omnes partu levatæ: iis adeò arridet hæc praxis, ab expertissimo & per 60 annos felicissimo medico Turonensi *de Feau*, triginta jam ex annis vitâ functo instituta, ut quemadmodum istus, prolapsus-ve

cujuslibet causâ, absente etiam necessitate, sanguinem in Brachio, ubique, hâc è malleolo præservationis gratiâ, bis nonnunquam mittere in puerperio mos invaluit: istaque non auditione vel famâ, sed de visu, unum & alterum per Turonum provinciam iter faciens accepi; simul ac attentè pensatis ex partûs theoriâ fluentibus rationum momentis, confidentissimus hujusce methodi suffragator in publicis de arte obstetricandi lectionibus meis quondam extiti, nec minus audacter quàm feliciter, frequentissimis in puerperis, instituendam hanc volui & curavi.

Calculus huic addit clarissimus olim in eadem arte Chirurgus D. *Puzos*, qui in ipsissimis suis filiabus illam saphenæ sectionem celebrare non reformidavit (1): nihil ergò novitati, nihil præjudicatis opinionibus, nihil temeritati hâc in re tribuitur, nihil è contrâ quod scrupulosiori lance trutinatum, aut efficacis experientiæ sigillo obfirmatum non fuerit, ac proindè nullum nostræ methodo inest vitium.

At omnes insurgunt gravidis parturientibusque operam præstantes mulierculæ, quibus nostra repugnat methodus; reclamant & ipsæ puerperæ: Quid ergò? Quotquot existunt matres, ab infantum molestâ nutritione, impunè decesserunt; consumendo & fugando lacti propria non desunt subsidia; sunt & etiam quibus nimix ad mammas sanguinis copias inhibetur adventus. Scio equidem, sed non laudo: totâ in illâ re de capite agitur: ex medicis, ex Turonibus, aliisque, audite quantum spuris vestris & malefidis auxiliis præter nostra methodus. Si demum salubria respicit consilia, si avias paternas & maternas, socros, materas, amitas auscultare malitis, luctuosius saltem & vulgatissimis discite ab exemplis, easdem vestris cervicibus impendere strages. Nos, certis principiis & experimentis innixi concludere possumus.

Ergò paulo post partum celebrata saphenæ sectio, puerperæ non lactantis, certa cuncta apud hæc.

(1) Huic praxi assentiunt Obstetricantes peritissimi plures, clarissimus imprimis D. *Barbani*:

Præponerat Parisiis THOMAS LEVACHER DE LA FEUTRIE,
Ebroicensis, Doctor Medicus Cadomensis, & Saluberrimæ Facultatis
Medicinæ Parisiensis Baccalaureus, A. R. S. H. 1767.
A SEXTA AD MERIDIEM.

Typis QUILLAU, Univers. & Facult. Med. Parisiensis, Typographi.